



**Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Art. VII. An futura contingentia absoluta, sint præsentia scientiæ Dei  
æternæ, objectivè tantùm, aut etiam realiter?

---

[urn:nbn:de:hbz:466:1-77232](#)

## DE SCIENTIA FUTVRORVM CONTINGENTIVM. 257

*Diss. 8.  
art. 4.*  
morum. Prædeterminatio verò ad materiale peccati, est à Deo solum tanquam à causa prima, & universalissima, ac generali provisore, subministrante causis secundis, tam liberis quam necessariis, media necessaria ad agendum. De quo plura in Tractatu de voluntate Dei.

### ARTICVLVS VII.

*An futura contingentia absoluta, sunt praesentia scientiae Dei æternæ, objectivæ tantum, an etiam realiter?*

**C**Vm S. Thomas art. 13, hujus questionis, Cagens de scientia Dei, & cognitione quam habet de futuris contingentibus, doceat futura contingentia, ab eo certò & distinctè cognosci, quia ejus æternitati sunt actu præsentia: quā præsentia, an objectivæ tantum, & intentionalis; an etiam physicæ, & reali? controvertitur inter Theologos, præsertim inter Thomistas, & Recentiores. Quod ut magis declaretur, & status hujus celebris difficultatis clarius percipiatur, quadam breviter hic præmittenda sunt. Unde sit

#### §. I.

*Quibusdam premissis referuntur sententia, & vera eligitur.*

**208.** **N**otandum primò. Quod sicut in rebus creatis duplex distingui solet à Philosophis præsentia, una realis & physica, quam habent quando producuntur & ponuntur extra suas causas. Altera intentionalis, & objectiva, quam habent in mente cognoscentes: habet enim omnis cognitionis, quod sit objecti sui repræsentatio, ipsumque, quatenus quedam est ejus similitudo, potentia cognoscendi quodammodo sistat, & præfens efficiat. Ita etiam duplex potest distingui in scientia Dei præsentia, respectu futurorum contingentium. Una ei soli propria, quatenus est viva, clara, & intuitiva sui objecti similitudo, ac repræsentatio. Altera ei conveniens ratione æternitatis, quæ ob suam infinitatem, ad illa virtualiter se coextendat, eaque in sinu suo vastissimo, ac infinito, contineat & complectatur; ita quod si per impossibile Deus non haberet futura contingentia in sua præscientia & cognitione præsentia, videret tamen illa præsentia in sua æternitate. Inquirimus ergo, an utroque modo Deus habeat futura contingentia sibi ab æterno præsentia, an verò solum primo?

**209.** Notandum secundò: Præsentiam realem & physicam futurorum contingentium in æternitate, tribus modis posse concepi, vel imaginari. Primò per quandam anticipatam illorum productionem in æternitate, distinctam ab illa quā producuntur in tempore: ita ut Antichristus v. g. concipiatur ut præsens in æternitate, quia in illa jam productus est, & positus extra suas causas. Secundo per coextensionem ipsius rei temporalis ad totam æternitatem, eo ferè modo, quo illi coextenderetur tempus infinitum, si daretur. Tertiò per coextensionem ipsius æternitatis ad illam differentiam temporis, in qua futura contingentia aliquando existent, & sicut præsentia. Certum est de fide, futura contingentia non esse Deo realiter & physicæ præsentia primo & secundo modo, cùm Scriptura testetur omnia incepisse in tempore, & nihil esse productum ab

æterno. Unde solum difficultas & controversia est de tertio modo, per coextensionem scilicet ipsius æternitatis ad illam differentiam temporis futuri, in qua Antichristus v. g. producetur. Queritur ergo, an æternitas expectare debeat ipsam existentiam, transitum, & fluxum rerum temporalium, ut illas in se contineat, & mensuraret: eo ferè modo quo pons in medio fluminis existens, vel arbor ad ripam illius plantata, expectat ipsum transitum, & fluxum aquæ, ad hoc ut illam possideat, vel mensureat: an verò illa ratione sua infinitatis virtualiter coextendat, non solum ad res præsentes, sed etiam ad præteritas & futuras; nec expectet quod illæ actū existant in propria mensura, ut illas complectatur, & mensuraret; sed præveniat, & præoccupet, ratione sue extensionis infinitæ, illarum præsentiam, & existentiam temporalem; & ratione sue indivisibilitatis, modo quodam indivisibili & immutabili ex parte sui, eas contineat; tota successione, & mutatione ex parte rerum temporalium se tenente? In qua difficultate, quæ ut constat, non est de solo nomine, aut de modo loquendi (ut quidam existimant) duæ sunt sententiaz extremitate oppositæ.

**210.** Prima absolute negat futura contingentia ab æterne esse Deo physicæ & realiter præsentia, ratione sue æternitatis, sed objectivæ tantum, & intentionaliter, ratione divinæ præscientie & cognitionis. Ita tenent Durandus, Scorus, Egidius Romanus, & Herveus: quos sequuntur Suarez, Vazquez, Alarcon, & alij Recentiores, paucis exceptis.

Secunda ex opposito docet quod licet res omnes creatae, in tempore, & in propria duratione incipient existere, ac proinde in illa physicæ ab eterno Deo non coexistant; in eternitate tamen illi ab æterno coexistunt physicæ, & realiter, & non solum objectivæ, & intentionaliter; quatenus æternitas, ratione sue infinitatis & indivisibilitatis, eas ambit & continet in uno nunc indivisibili, virtualiter correspondente illi differentia temporis, in qua res producuntur & existunt. Ita, præter Thomistas, docent Ricardus in 1. dist. 38. Abulensis in cap. 11. Iosue quest. 20. & sequentibus; & ex Recentioribus Molina h̄c disp. 13. Fonseca 6. Metaph. cap. 2. Granado Tract. 4. de Scientia Dei disp. 3. Ruizius disp. 28. fect. 3. & novissimè Claudius Typhanus in lib. de Ordine cap. 19. contra quos acriter stomachatur Alarcon, eò quod, cùm alij Theologi ejusdem Societatis, nihil magis horreant, quām hanc realē præsentiam rerum in eternitate, hi tamen illam admittant, & in castra veluti transeant aliena.

**211.** Dico igitur: Futura omnia contingentia, esse Deo ab æterno præsentia; non solum objectivæ, ratione sua præsentia, sed etiam realiter & physicæ, ratione sua æternitatis. Hæc conclusio, quatuor firmissimis, ac solidissimis nititur fundamentis. Primum sumitur ex autoritate Sanctorum Patrum. Secundum ex testimonio Sancti Thomæ. Tertium ex excellencia divina æternitatis. Quartum ex perfectione divinæ scientie, & ex ejus intuitione, ac invariabilitate. Tria prima hic exponemus, quartum constabit ex dicendis articulo sequenti.

*Tom. I.*

K x iij

## §. II.

Referuntur testimonia SS. Patrum.

**P**Lura solent adduci SS. Patrum testimonia, quæ non urgent Adversarios, quia explicantur de præsentia objectiva; ideoque ea omittam, & solum hic referam ea quæ in hoc sensu explicari non possunt.

212.

In primis ergo D. Augustinus realem futurum in eternitate præsentiam, variis in locis clare expressit: nam lib. 11. Confess. cap. 10. hæc scriptis: *Quis tenebit cor, & fit illud, ut paulatim rapiat splendorem semper stantis eternitatis, & comparcat cum temporibus nunquam stantibus, & videat esse incomparabilem; nec præterire quidquam in eternitate, sed totum esse præsens.* Et super Psal. 101. expponens illa verba: *In generationem & generationem anni tui, sic ait: Aeternitas ipsa Dei substantia est, que nihil habet mutabile. Nihil ibi est præteritum, quasi non sit, nihil est futurum, quasi nondum sit, sed quidquid ibi est, non nisi est.* Et 5. de Trinit. cap. 16. *Apud Deum, nec præterita transferunt, & futura jam facta sunt.*

Deinde Gregorius Magnus 12. Moralium cap. 1. sic ait: *Apud omnipotentem Deum, etiam latencia stant.* Et Bernardus Serm. 80. in Cant. loquens de natura Dei, ejusque eternitate: *Tempora (inquit) sub ea transiunt, non ei: futura non expectat, præterita non recognitat, præsentia non experitur, experientia scilicet transeunte.*

Item Petrus Damiani Epist. 4. de omnipotenti cap. 8. hac scribit: *Omnia que apud nos elabendo discurrent, & per temporum vicissitudines se variant, apud illud hodie (eternitatis) stant, & immobiliter perseverant.* In illo hodie dies ille adhuc immobilis est, in quo mundus iste sumpsit originem: in illo jam & ille nihilominus est, in quo judicandus est, per eterni judicij equitatem.

Richardus à S. Victore libro 2. de Sancta Trinitate cap. 3. *Sicut inquit eorum que nondum sunt, nihil est Deo futurum; sic eorum omnium que jam non sunt, nihil est præteritum: sic eorum omnium que jam præsentialiter sunt, nihil est ei transitum.*

Denique Anselmus in opusculo de Concordia docet, quod sicut tempus præsens continet omnia, et si longissimis locorum intervallis inter se distata, ita eternitas reipsa continet omnia tempora, & quæ continentur in illis, et si longissimis intervallis inter se sint distinta. Et ibidem ait: *Aeterno præsens simul clauditur omne tempus, & quæ sunt in quolibet tempore.* Paucis hæc, sed acutè conclusit Marius Victor, initio libri primi Cosmopœia; ubi de eternitate ait:

*Et quidquid tempora volvunt,*

*Præsens semper habet.*

213.

Nec valet communis responsio Adversariorum, qui dicunt SS. Patres in his locis, non loqui de præsentia reali, sed tantum de objectiva. Nam contra primò: SS. Patres loquuntur de præsens quæ convenit rebus ratione eternitatis, prout est attributum quoddam, distinctum virtualiter à scientia & intellectu, aliisque perfectionibus divinis: Ergo loquuntur de præsens reali & physica, non verò de intentionalis & objectiva. Consequentia patet, eternitas enim, ut est speciale attributum, à scientia & cognitione virtualiter distinctum, non potest tribueri rebus

A futuris præsentiam purè objectivam; hæc enim illis solum convenient, ratione scientia & cognitio-  
nis, non verò ratione eternitatis.

Secundò, SS. Patres locis relatis non solum af-  
firmant futura esse Deo præsenta, sed etiam ne-  
gant ab solū esse aliquid futurum respectu Dei:  
At ex præsenta objectiva non tollitur ratio abso-  
luta futuris, sed ex physica tantum, & reali, ut per se patet: Ergo non loquuntur de præ-  
senta objectiva, sed de physica & reali.

Tertiò, SS. Patres negant in Deo esse propriè  
præscientiam, eò quod omnia, quæ sunt nobis fu-  
tura, sint illi præsenta in sua eternitate: Ergo non loquuntur de præsenta solum objectiva, sed  
etiam de reali & physica. Consequentia est evi-  
dens: ex eo enim quod futura essent objectiva  
Deo præsenta, non rectè probaret ei non con-  
venire præscientiam in rigore; cum Prophetatum  
mentibus nonnulla sint præsenta objectivè, de  
quibus tamen in rigore habent præscientiam. Ante-  
cedens verò probatur ex Augustino libro 2. que-  
stionum ad Simplicianum, quæst. 2. ubi sic habet:  
*Quid est præscientia nisi scientia futurorum? Quid autem futurum est Deo, qui omnia superreditur  
tempora? Si enim in scientias habet, non sunt ei  
future, sed presentes; ac per hoc non jam præscien-  
tia, sed scientia dici potest.* Idem docet Gregorius  
libro 20. Moral. cap. 23. his verbis: *Prescire dici-  
tur qui unquamque rem ante quam veniat, videt,  
& id quod futurum est priusquam præsens fiat, præ-  
videri &c. Deus autem quomodo est præcious, dum  
nilla nisi que futura sunt præscientia, & scimus  
quia Deo futurum nihil est, ante cuius oculos præ-  
terita nulla sunt, præsenta non transiunt, & futura  
non veniunt.* Item Anselmus libro de casu Diaboli  
cap. 21. *Præscientia non propriè de Deo dicitur,  
cum enim omnia sint ei præsenta, non habet futu-  
rorum præscientiam, sed præsentium scientiam.* De-  
nius Boëtius libro 5. de consolatione, prosa ultimā,  
hac scribit: *Si præscientiam penitare velis,  
que cuncta dignoscit, non esse præscientiam quasi  
futuri, sed scientiam nunquam deficiens instanti-  
re rectius estimabis.*

## §. III.

Mens D. Thome aperitur.

**L**icit apud aliquos dubitatio sit de mente D. Thomæ, & plures ex Recentioribus illum de præsenta obiectiva & intentionalis exponent, eumque sic intellexisse videantur aliqui ex antiquis ejus Discipulis, ut Agidius, Herveus, & Sylvester: res tamen adeo manifesta est, ut hac in re de ejus mente dubitare, sit tenebras & caliginem Soli offendere, ac in meridie cæciture.

In primis enim hæc art. 13. realem & physicam futurorum contingentium in eternitate præsen-  
tiā, non obscurè his verbis expressit: *Aeternitas  
similē existens ambit totum tempus: unde omnia  
que sunt in tempore, sunt Deo ab aeterno præsenta, a  
non solum è ratione, quæ habet rationes rerum,  
apud se præsentes (ut quidam dicunt) sed quia ejus  
intuitus, fertur ab aeterno super omnia, prout sunt in  
sua præsentialitate.*

Nec interpretari potest hic locus de præsens objectiva. Primò, quia præsentialitate objectivi-  
a omnia sunt Deo ab aeterno præsenta, per rationes rerum, seu ideas, quæ ut habent adjun-  
ctam voluntatem divinam, futura contingentia repræsentant. Ergo quando S. Thomas dicit, *Omnia  
que sunt in tempore, sunt Deo præsenta, non*

## DE SCIENTIA FUTVRORVM CONTINGENTIVM. 259

*solum eâ ratione, quâ habet rationes rerum apud se presentes &c.* Intelligit illa esse præsentia, non solum objectivæ, sed etiam realiter & physicè; cùm inter præsentiam objectivam, & realem, nulla detur media.

Secundò, Præsentialitas objectiva non est illa quâ unumquodque est actu in seipso, aut in suo esse, sed quâ est in intellectu; nec est sua cuiusque præsentialitas, cùm non sit unumquodque præfens objectivè per seipsum, sed per speciem quâ repræsentatur. Ergo quando D. Thomas dicit quod *Divinus intuitus fertur ab aeterno super omnia, prout sunt in sua præsentialitate, & prout unumquodque eorum est actu in seipso*, non loquitur de præsentia objectiva, & intentionalis, sed de physica & reali.

Tertiò, Si de præsentialitate objectiva loqueretur, non opus esset ab aeternitate recurrere, quâ mensuratur Dei cognitione: nam cognitione mensuratur tempore, & fertur in rem realiter absensem, habet illam objectivè præsentem.

Quartò, D. Thomas infert omnia que sunt in tempore, esse Deo ab aeterno præsentia: *quia aeternitas tota simul existens, ambit totum tempus:* Sed aeternitas verè & realiter ambit omne tempus: Ergo & ea quæ sunt in tempore, verè & realiter, & non objectivè solum, sunt Deo præsentia ab aeterno.

Denique, Cùm aeternitas non sit attributum pertinens ad cognitionem, sed ad durationem, non causat præsentiam objectivam, sed realem & physicam. Ergo quando S. Thomas dicit, futura contingentia esse Deo præsentia, ratione aeternitatis, non loquitur de præsentia objectiva, sed de physica & reali.

Præterea idem S. Doctor, pluribus locis, eandem præsentiam realem futurorum contingentium in aeternitate, ita expressè docet, ut nullam, nisi extortam & violentam, admittant explanationem: ut videri potest in hac parte qu. 57. art. 3. quæst. 86. art. 4. primo contra Gent. cap. 66. & 67. in primo sent. dist. 38. quæst. 1. art. 5. & quæst. 2. de veritate art. 12.

216. Quod autem in his locis non loquatur de præsentia tantum objectiva, tribus argumentis convincitur. Primum est, quia in his locis, ex præsentialitate rerum in aeternitate, negat earum futuritionem realem, respectu Dei: ut videri potest præcipue quæst. 2. de veritate art. 12. in corpore: At ex sola præsentialitate objectiva, non potest negari futurio realis, ut constat in Prophetis, qui habent objectivè in mente præsentia ea quæ tanquam futura prænuntiant: Ergo S. Doctor de præsentia solum objectiva non loquitur.

217. Secundum argumentum sumitur ex eo quod D. Thomas his locis probat futura intuitivè videri à Deo, quia divinæ aeternitati sunt præsentia: At in hac casu, loqui non potest de præsentia objectiva; alias, cùm præsentia objectiva in videri confilit, probando ideo videri, quia sunt præsentia, idem per idem probaret, & diceret quod ideo illa videntur à Deo, quia videntur: quod nugatorum esset & absurdum: Ergo debet intelligi de physica præsentia. Consequentia patet. Major vero probatur ex S. Thoma quæst. 2. de veritate art. 12. ubi ait: *Cum visio divina esset aeternitate, mensuratur, quæ est tota simul, etenim totum tempus includit, nec alteri parti temporis deest: sequitur ut quidquid in tempore geritur, non ut futurum, sed ut presens videatur.* Ergo ex præsen-

A tia futurorum ad aeternitatem, colligit D. Thomas illa intuitivè à Deo videri.

Eodem argumento usus est 3, contra Gent. cap. 154. ubi sic habet: *Futura contingentia solum divisa cognitioni subsunt, quia ea in seipsis videtur, cùm sint ei præsentia, ratione sua aeternitatis.* Item Opus. 2. cap. 133. facit eandem consequentiam, & dicit, quod Deus per certitudinem cognoscit omnia quæcumque per temporis decursum aguntur in sua aeternitate: nam aeternitas suā præsentialitate totum temporis decursum attingit. & ultra transcedit.

Tertium argumentum quo demonstratur D. 218;

B Thomam, non solum objectivam & intentionalem, sed etiam realem & physicam, futurorum contingentium in aeternitate præsentiam docuisse, sumitur ex 1. sent. dist. 38. quæst. unica art. 5. in corp. ubi sic habet: *Cum Deus uno aeterno intuitu, non successivo, omnia tempora videat; omnia contingentia in temporibus diversis, ab aeterno præsentialiter videt, non tanquam ut habentia esse in cognitione sua, &c.* Unde cùm ab aeterno futura contingentia non habeant esse in propria mensura, & duratio; non possint habere aliud esse extra divinam cognitionem, quam in ipsa aeternitate.

### §. I. V.

#### *Ratio fundamentalis explicatur.*

C **V**T ratio fundamentalis nostræ conclusionis, quæ ex natura, perfectione, ac excellencia aeternitatis desumitur, clarè percipiatur, duo breviter hic premittenda sunt, ad ejus intelligentiam necessaria.

D Primum est, aeternitatem esse mensuram infinitam simul & indivisibilem; quod patet, tum ex definitione ejus à Boëtio tradita, in qua dicitur, quod aeternitas est inerminabilis vita tota simul & perfecta possessio. Tum etiam, quia mensura debet esse homogenea, & similis mensurato: unde cùm esse divinum, quod aeternitate mensuratur, sit infinitum, & simplicissimum; & ratio ne infinitatis omnes creaturarum perfectiones contineat, ratione verò simplicitatis, præheat illas modo simplicissimo & purissimo, & absque ulla compositione & distinctione, etiam aeternitas erit duratio infinita simul & indivisibilis; & ratione sue infinitatis, omnes duracionum inferiorum differentias continebit, nimirum præsens, præteritum, & futurum; ratione verò indivisibilitatis, continebit illas in unico nunc indivisibili, & absque ulla divisibilitate & successione ex parte sui; eo ferè modo quo anima rationalis, quamvis inextensa & indivisibilis, virtualiter tamen coextendit omnibus partibus corporis, quamvis divisibilibus & extensis.

E Secundum est, quod sicut esse divinum, quamvis simplicissimum, æquivalent tamen multis perfectionibus, quæ sunt dispersæ in rebus creatis, & potest ab illis diversimode participari: ita licet aeternitas sit indivisibilis & tota simul, habet tamen latitudinem quandam virtualem, seu partes virtualiter distinctas, per correspondentiam & analogiam ad nostrum tempus; ita ut concipiamus illam habere unam partem virtualem, correspondente tempori præterito, alteram correspondente tempori futuro; & has diversas partes virtuales, nonnulli Theologi, diversos aeternitatis sinus, appellant. His præmissis.

221. Ratio fundamentalis nostra conclusionis, sic breviter proponi potest. Quando aliquid est infinitum intra aliquam lineam, omnes ejus perfections in se continet, vel formaliter vel eminenter: v. g. quia scientia in Deo est infinita in ratione scientiae, continet in se omnem rationem scibilis: quia immensitas est infinita in ratione locandi, continet omnes differentias loci, & potest replere omnem locum, & spatium imaginabile, & sic de ceteris: Atqui aeternitas est infinita in ratione durationis: Ergo in se continet & complectitur durationes omnes rerum inferiorum: scilicet ævum, quod est duratio Angelorum; & tempus, quod est duratio rerum successivarum, & corruptibilium; omnesque differentias illius: scilicet praesens, præteritum, & futurum, & omnia que in illis existunt. Sicut cœlum ambit totum mundum, Gallia totam Aquitaniam, Aquitania Burdigalam, & Burdigala omnes domos, vicos, plateas, & Ecclesiæ, que sunt in illa. Et sicut corpus infinitum (si daretur) omnes differentias, ac dimensiones aliorum corporum in se continet. Aliunde vero, quia aeternitas, non solum est infinita, sed etiam tota simul ac indivisibilis (utpote mensura esse divini, quod non solum est infinitum, sed etiam indivisibile & simplicissimum) debet modo indivisibili, & simplicissimo, & sine ulla successione & divisibilitate, ratione unius nunc & instantis indivisibilis, res temporales & successivas, que in propria mensura & duratione, paulatim ac successivè decurrent, continere. Unde si illa que sunt futura in tempore, non essent realiter præsentia in aeternitate; vel ipsa non contineret omnes durationes, quod repugnat ejus infinitati: vel illas non contineret simul, sed paulatim ac successivè; quod opponitur ejus simplicitati & indivisibilitati.

222. Respondent Adversarij: Ex indivisibilitate & similitate aeternitatis, solum sequi, quod careat successione & divisibilitate entitativæ, & sibi intrinsecæ: non autem sibi extrinsecæ, desumpta ex rebus creatis inter se succendentibus, & successivè divina aeternitati coexistentibus. Quod explicant exemplum arboris plantatae ad ripam fluminis, que non coexistit simul & semel toti aquæ fluenti, sed paulatim & successivè; non quidem per sui mutationem, sed per mutationem & fluxum ipsius aquæ, que continuò fluit ac decurrit.

223. Sed hec responsio multipliciter impugnari potest, & ex ejus impugnatione magis constabit vis & efficacia rationis adducere; magis que declarabit natura & perfectio divine aeternitatis. In primis ergo contra illam potest sic argui. Corpus infinitum in ratione extensionis, omnibus aliis, quantumcumque distantibus inter se, simul adest: Ergo aeternitas que est infinita in duratione, omnibus durationibus, quantumcumque inter se distantibus, simul & absque ulla successione, etiam extrinsecæ, coexistere debet: At distantia in ratione durationis, attenditur penes præteritum, præsens, & futurum: Ergo omnibus his simul, & sine successione extrinsecæ, coexistit aeternitas.

Secundo, Hæc inferiora mensurantur ab aeternitate, quatenus continentur in illa: At quidquid continetur in alio, continetur ad modum illius: Ergo cum aeternitas successione intrinsecæ careat, que continentur in illa, licet inter se succendentia sint, indivisibiliter tamen ab illa mensurantur.

Tertio, Ex hoc quod præterita, præsentia, &

A futura, sibi invicem succedant; malè arguitur, quod aeternitas non coexistat omnibus simul & sine successione, ab aeterno. Anima enim rationalis, etiæ inextensa & indivisibilis, omnibus tamen partibus corporis, quamvis divisibilibus, & inter se distantibus, coexistit. Unde sicut ordo & distinctio partium corporis, non impedit quod anima rationalis, tota simul illis coexistat; ita nec successio temporis impedit, quin aeternitas, tota simul, & modo indivisibili ex parte sui, rebus temporalibus & successivis, ab aeterno coexistat. Simile exemplum potest adduci de Angelo, qui indivisibili modo coexistit omnibus partibus loci, ut docetur in Tractatu de Angelis. B Aliud exemplum affert D. Thomas i. contra Gent. cap. 66. & opusculo 4. capite ultimo, ubi comparat aeternitatem centro: sicut enim centrum, quamvis indivisibile, adest tamen cuique puncto opposito in circumferentia, & omnibus lineis ab eadem circumferentia ad centrum deductis. Ita aeternitas, quamvis indivisibilis, & tota simul, adest omnibus rebus temporalibus, fluentibus, & successivis.

C Eadem veritas illustrari potest alio exemplo quod tradidit idem S. Doctor hic art. 13. ad 3. Et quæst. 2. de veritate art. 12. ubi docet, quod ita se habet Deus in ordine ad præterita & futura, sicut existens in alta specula, ex qua intuetur tantam viam, & omnes in ea transientes: licet enim unus pergeat post alium, & posterior non videat priorem, ille tamen qui est in specula, omnes simul intuetur, & habet sibi presentes. Ita similiter Deus habet sibi presentes in specula suæ aeternitatis, res omnes, etiam præteritas & futuras; licet iste succedant illis, & in propria mensura, & duratione, simul existere nequeant. Simili exemplo utitur Petrus Damianus opusculo trigessimo cap. 7. ubi hec scribit: *Qui in theatro residet, non simul omnia videt; quia cum intendit aciem ante se, non videt post se: qui autem non in theatro, sed super theatrum excelso supereminet, totius undique interiorum theatri ambitum uno comprehendit a pede. Ita omnipotens Deus, quia omnibus que voluntur, incomparabiliter supereminet, omnia simul suis subjecta conspectibus presentiter videret.*

D 224. Denique efficaciter impugnari potest responsio & doctrina Adversariorum, ex ipsa natura, & perfectione aeternitatis, que non solum est infinita, & immutabilis in ratione durationis, sed etiam in ratione mensura, & continentia inferiorum durationum; ita quod infinito & immutabili modo, attingat omnia sua mensurata, & mensuræ illa: Ergo neque intrinsecæ in ordine ad se, neque extrinsecæ, & in ordine ad mensuræ, admittit successionem, aut coexistentiam successivam. Antecedens, quoad primam partem, à nemine negatur: quoad secundam vero probatur. Aeternitas in ratione mensura, & per ordinem ad mensuræ, se habet ut mensura suprema, & summæ uniformitatis: Ergo in ratione mensura, & per respectum ad mensurata, debet habere summam immutabilitatem. Uniformitas enim tantò est major, quantò magis recedit à mutabilitate, qua fundatur in potentialitate, siquidem motus est actus entis in potentia; unde quantiores minus habet de potentialitate, & consequenter de mutabilitate; tantò majorem habet uniformitatem, & magis est una; & sic quod est summo modo uniforme in ratione mensura, est omnino immutabile; subindeque quod constituitur

## DE SCIENTIA FVTVRORVM CONTINGENTIVM. 265

constituitur in ratione mensuræ per uniformitatem summam , etiam est mensura per summam immutabilitatem. Ex quo etiam probatur consequentia: oportet enim id quod in ratione mensuræ habet omnimodam immutabilitatem, in mensurando , non admittat successionem : ita quod non solum in se , sed etiam in mensurando , exhauiat totum mensuratum unicā mensuratione : alias si modo incipit mensurare , & ante non mensurabat , & postea definat mensurare ; illa mensuratio importat secum aliquam mutabilitatem , quia non exhauiat totum mensuratum unicā mensuratione indivisibili , sed conformiter ad existentiam & successionem mensurati , illud mensurat ; & cùm tale mensuratum , unicā mensuratione indivisibili non exhauiatur , sed successivè transeundo coexistat illi mensura , si talis mensura se accommodat in mensurando ipsi mensurato , oportet quod replicando mensurations , & non per unicam indivisibilem illud adæquet ; & consequenter debet habere aliquam numerationem , seu mutabilitatem in mensurando .

**226.** Confirmatur & explicatur amplius , in omnibus mensuris , quæ licet in se sint fixæ , & immobiles ; tamen quia non adæquant totum mensuratum unicā mensuratione , sunt imperfectæ in ratione mensuræ : nam cubitus v. g. vel ulna quæ mensurat pannum , licet in se maneat fixa , tamen quia non adæquat totum pannum , oportet quod per replicationem & numerationem applicetur ei pannus , & sic adæquet totum mensuratum. Ergo similiter si æternitas unicā mensuratione non adæquet & mensuret omnes differentias temporis , sed incipiat modo mensurare rem , quando exsistit , & postea definat mensurare , quando amplius non est , manifestum est , quod illa non est omnino uniformis , & immutabilis in ratione mensuræ , & continentia durationum inferiorum .

Ex hoc patet , quantum in hoc hallucinentur Adversarij , docentes quod benè stat æternitatem esse indivisibilem ; & tamen coexistere rei successivæ , quando ipsa res incipit esse in se , & non ante: hoc enim solum invenitur in mensuris limitatis & finitis , dicitibus aliquam mutabilitatem in coexistingendo & mensurando ; & contrarium velle sustinere , est indivisibilitatem , uniformitatem & infinitatem æternitatis nequaquam intelligere : sicut nec intelligeres infinitatem divina imminutatis , si poneres eam non aeternum replere omnes differentias loci , sed paulatim tantum & successivè .

In hoc itaque elevatur eminentia æternitatis super omnes mensuras creatas , quod creatæ non possint unicā mensuratione , & per modum immutabilis unitatis & possessionis , totam quantitatem sui mensurati exhauire : sicut ulna non potest mensurare totum pannum , quia habet multas ulnas , nisi replicando , & numerando suam mensurationem , & applicationem ; unde quantitas panni non exhauiatur unicā mensuratione , sed pluribus ; & sicut etiam arbor ad ripam fluvij plantata , licet sit immobilis localiter , tamen pluribus contractibus , & non uno , totam quantitatem decurrentis aquæ tangit. Si tamen (ut postea dicemus) daretur arbor que uno contactu totam quantitatem aquæ tangeret , tunc deberet coexistere toti aquæ , à principio fluvij usque ad finem : æternitas autem , quia non solum est fixa , & immutabilis in se , sed etiam in mensurando , unicā mensuratione totam quanti-

*Tom. I.*

A tatem suorum mensuratorum exhauit , eò quod per modum possessionis perfecta mensurat , & non per modum numerationis , & replicationis sui ad mensuratum , vel mensurati ad seipsum .

Ex quo potest amplius confirmari conclusio , magisque impugnari responsio Adversariorum . **227.** Æternitas enim mensurat res omnes creatas , illas perfectè possidendo ; non vero solum eis coexistingendo , sicut alia mensura creatæ . Quare in definitione æternitatis dicitur , quod est *iota simul , & perfecta possessio* , rei scilicet quam mensurat . Unde quamvis tempus & alia mensurae creatæ , expectare debeat existentiam rerum , ut illas mensurent ; hoc tamen æternitati repugnat , alias non esset tota simul & perfecta possessio rei : ex quacumque enim parte successio detur , sive ex parte mensurati quod applicatur , sive ex parte mensurantis , cessat simultanea & perfecta possessio illius . Sicut aliquis dicitur non possidere rem , sive hoc contingat ex parte rei possessæ , quæ ad illum non venit ; sive ex parte illius , quia eam non apprehendit . Et sicut constat in civitate ad ripam fluminis posita , illa enim , quamvis sit ita se permanens & immota ; non simul tamen totam fluvij aquam possidet , sed paulatim & successivè ; quia ipsa aqua fluminis paulatim & successivè decurrit . Cùm ergo æternitas sit tota simul & perfecta possessio rei quam mensurat , repugnat illi aliqua successio & divisibilitas , non solum intrinseca & ex parte sui , sed etiam extrinseca , & per comparationem ad ea quæ mensurat : unde quamvis res temporales , sint in se successiva & fluentes ; hoc tamen non impedit , quia æternitas , ratione sua infinitatis , indivisibilitatis , & immutabilitatis , simul illas contineat & mensurat , ut constat in exemplis supra adductis de anima rationali , de centro &c.

**228.** Exemplum autem baculi in medio fluminis dixi , vel arboris ad ripam ejus plantata , quod adducunt Adversarij , non quadrat , nec est aptum ad explicandam naturam æternitatis : quia talis baculus , vel arbor , assimilatur æternitati , solum quantum ad permanentiam & stabilitatem , non vero quantum ad infinitatem & extensio nem , sub qua ratione debet potius æternitas comparari ripæ . Unde si per impossibile , ripa cum sua extensione posset habere indivisibilitatem , esset aptissimum exemplum ad declarandam naturam & perfectionem æternitatis : tunc enim illa simul & semel coexistet omnibus superficiebus aquæ fluentis , nec deberet expectare transitum & fluxum aquæ , ut illam possideret , vel mensuraret , sicut arbor ad ripam fluminis posita . Vel potius ad hoc intelligendum , imaginanda est arbor in medio fluminis , quæ tantæ sit magnitudinis & extensionis , ac tota ripa . Sic enim talis arbor simul & semel & absque illa successione , coexistet omnibus partibus aquæ fluentis & decurrentis , nec deberet expectare ejus transitum & fluxum , ut illas possideret , vel mensuraret . Ita æternitas , cùm sit duratio infinita & indivisibilis , simul & semel , & in unico nunc & instanti indivisibili , ambit & continet omnes durationes creatas , omnesque temporis differentias ; nec expectare debet quod res temporales sint acti presentes & existentes , ut eas mensuret , & illis coexistat . Alioquin nullum esset privilegium æternitatis , supra tempus & ævum , quæ mensurant res æternas & temporales , quando acti existant , & falsum esset quod de illa ait Divus Bernardus , supra relatus :

L1

Futura non expectat, præterita non recogitat A tur in mente Prophetæ eorum revelationes.

Quod confirmationem in primis dico, quod cùm mens Sancti Thomæ adeo manifesta sit, magis illi adhærendum est, quam aliis Doctribus. Secundò respondeo Doctores illos solum negasse coexistentiam physicam futurorum cum Deo in æternitate, adæquatè sumpta, & secundum totam suam existentiam virtualem: non autem in æternitate inadæquatè considerata, & secundum aliquam ejus virtualitatem. Vel etiam solum negasse præsentiam futurorum in æternitate, per quandam anticipatam productionem illorum in æternitate, distinctam ab illa, quâ producuntur in tempore. In quo etiam sensu illam negant Discipuli Divi Thomæ.

Objiciunt secundò Adversarij plura testimonia Scripturæ, in quibus dicuntur res omnes fuisse creatas in tempore, Deum in principio creasse cœlum & terram, illum fuisse, priusquam montes fierent, aut formaretur terra & orbis &c.

Verum hæc omnia frivola sunt, & ne leviter quidem attingunt Thomistarum sententiam, qui, ut jam dicebamus, non dicunt res temporales esse Deo præsentes in æternitate, per anticipatam earum productionem in æternitate, distinctam ab illa quâ in tempore producuntur (ut imaginatur Adversarij) sed solum per extensio-

nem virtualem ipsius æternitatis, ad illam differentiam temporis, in qua res fuerunt à Deo, in propria mensura, & duratione producuntur. Quare non negamus illas in tempore incœpisse, sed tantum volumus talem productionem & creationem temporalem, fuisse Deo ab æternō realiter præsentem in sua æternitate, quatenus illa ratione sua infinitatis ad eam virtualiter se extendebat, eamque in sinu suo vastissimo, & infinito continebat.

Objiciunt tertio quædam testimonia Sanctorum Patrum: Dicit enim Augustinus 12. de Civit. cap. 25. Res antequam fierent, non fuerunt: sed ante dico, æternitate, non tempore. Sentit ergo Sanctus Doctor, res antequam essent producuntur, non solum non fuisse in priori tempore, sed neque in æternitate. Et in sermone 11. de verbis Apostoli ait: Deus habet electos suos apud semetipsum, non in sua natura, sed in præsencia sua. Item Isidorus libro de summo bono cap. 8. Si tempora (inquit) semper essent Deo præsencia, non essent tempora, sed æternitas: quia non mutarentur, sed starent.

Respondeo quod quando D. Augustinus dicit, res antequam essent, non fuisse prius æternitate, intelligendus est, non fuisse prius in æternitate, tanquam in propria & adæquata mensura. Vel non fuisse prius in æternitate, ut virtualiter correspondente tempori imaginario, quod illarum productionem præcessit: non negat tamen illas fuisse in æternitate, secundum quod æternitas, ratione sua infinitatis, virtualiter se extendit ad illam differentiam temporis, in qua fuerunt producuntur: immo talem præsentiam realem & physicam rerum temporalium in æternitate, in sensu jam explicato, clarissime S. Doctor expressit locis §. 3. relatis.

Ad secundum testimonium similiter dico; illum solum intendere, Deum non habere ab æterno suos electos in sua natura: id est in eorum propria duratione & mensura, sed solum in sua præsencia, & in mensura superiori sua æternitatis. Vel etiam solum velle, Deum non habere

&c.

Quartum fundamentum nostræ conclusionis, defunctorum ex perfectione divinæ scientiæ, articulo sequenti declarabitur: ostendemus enim realem futurorum contingentium in æternitate præsentiam, necessariam esse ut scientia Dei ad illa terminata, sit invariabilis, & intuitiva; eaque semotâ, Dei cognitionem fore mutabilem & abstractivam, subindeque imperfectam.

### §. V.

Solvuntur argumenta ex autoritate.

229.

Contra nostram conclusionem objiciunt Adversarij aliqua testimonia S. Thomæ, in quibus non aliter videtur ponere præsentiam rerum in æternitate, quam ut cognitæ sunt à Deo, & prout sunt in ejus præscientia æterna. Dicit enim hic articulo 13. Omnia quæ sunt in tempore, sunt Deo ab eterno præsenta, non solum è narratione, quâ habent rationes rerum apud se præsentes, ut quidam dicunt: sed quia ejus intuitus fertur ab eterno super omnia, prout sunt in sua præsentialitate. Ubi duplice ponit præsentiam, unam in ideis, aliam in Scientia visionis: Sed utraque est intentionalis, ut patet: Ergo S. Thomas, non aliam videtur agnoscere rerum temporalium in æternitate præsentiam, quam objectivam & intentionalē.

Præterea, Idem S. Doctor 1. 2. quest. 91. art. 2. ad 1. hæc scribit. Ea que in seipsis non sunt, apud Deum existunt, in quantum sunt ab ipso cognita & præordinata. Et quest. 1. de verit. art. 3. ait: Futura contingentia, antequam sint, preexisse in duabus, nempe in præscientia divina, & in causis creatis.

Confirmant hæc omnia, testimonio Egidij Romani, Hervei, aliorumque veterum Thomistarum, suprà citatorum, qui negant præsentiam realem futurorum contingentium in æternitate, & solam objectivam, & intentionalē admittunt.

230.

Hæc tamen parvum urgent, tum quia de mente S. Thomas clare constat ex dictis §. 2. Tum etiam, quia primum testimonium favet nostra sententia, quia (ut ibidem obseruavimus) S. Doctor eo loco, ex præsencia futurorum contingentium in æternitate, infert Deum illa intuitivè videre: Ergo sentit, quod intuitio non est ratio præsencia, sed potius physica & realis illorum in æternitate præsenta, est ratio intuitio, seu visionis, ut magis constabat ex dicendi articulo sequenti.

231.

Ad secundum & tertium dicendum est, S. Doctorem in his locis explicare præsentiam objectivam & cognitionis, quam futura contingentia habent ab eterno in mente divina, sive in ejus præscientia; non negare tamen præsentiam realem & physicam, sive præsentiam durationis, quam habent in æternitate, ratione ipsius æternitatis; cum sit mensura infinita simul & indivisibilis, ambit & continet modo quodam individibili & immutabili, durationes omnium rerum temporalium, & omnia quæ in eis existunt. De hac tamen secunda præsencia, in his locis non feci mentionem, sed tantum de prima, quia hæc solum proposito suo conducebat: ibi enim solum intendebat explicare, quomodo lex æterna sit ab eterno in Deo; & quomodo futura sint in præscientia divina, ut inde impriman-

## DE SCIENTIA FUTVRORVM CONTINGENTIVM. 267

ab æterno electos in sua natura, quia non habet illos speciali modo sibi in natura substantialiter unitos & coniunctos, sed in sua tantum præscientia & prædefinitione æterna.

Ad locum Isidori dicendum est, illum nihil aliud intendere, quam quod si res temporales penter ex sua ratione semper Deo esse præsentes; ita ut illis repugnaret successio, fluxus, ac mutabilitas in propria illarum duratione & mensura, non essent temporales, sed æternæ. Non negat tamen tempora esse Deo præsentia in æternitate, per extensionem ipsius æternitatis ad res temporales, & ad omnes temporis differentias; sed hanc præsentiam expresse docet cap. 6. ejusdem libri, his verbis. *Omnia tempora præcedit divina æternitas, nec in Deo præteritum, præsens, & futurum aliquid creditur: sed omnia præsentia in eo dicuntur, quia æternitate sua cuncta complectitur.*

### §. VI.

*Solvuntur aliae objectiones ex ratione petite.*

236. **C**ontra nostram conclusionem multipliciter insurgunt Adversarij, & varia in illam argumentorum tela detorquent. In primis enim sic arguunt. Implicat aliquid alicui coexistere, nisi illud prius in se existat; coexistentia enim, cum sit relatio mutua, duo simul existentia importat: Sed Antichristus v. g. nunc non existit in se: Ergo nunc Deo in æternitate non coexistit.

237. Communis solutio hujus argumenti est, eodem modo quod unum coexistit alteri, debere existere in se: Antichristus autem, et si nunc non existat in se, copula uniente pro nunc nostri temporis, & in ordine ad propriam mensuram; existit tamen nunc in seipso, copula uniente pro nunc æternitatis, & in mensura illa inadæquata & superexcedente; ac proinde, licet non coexistat Deo in propria duratione, & in nunc nostri temporis, coexistit tamen Deo, in mensura æternitatis. Quod ut D plenius innoteat.

Nota primò, Verbum in hac propositione, *Antichristus ab æterno Deo coexistit*, posse unire extrema pro nunc nostri temporis, vel pro nunc æternitatis semper præsenti. Nota secundò, posse unire pro nunc æternitatis, ut correspondente vel æquivalente huic nostro tempori; vel ut tantum æquivalente nunc futuro temporis, in quo Antichristus erit. Dicimus ergo, quod si in illa propositione, *Antichristus nunc Deo in æternitate coexistit*, verbum uniat pro hoc nunc nostri temporis, vel pro nunc æternitatis huic correspondente, illa est falsa. Si autem verbum uniat pro nunc æternitatis, correspondenti nunc futuro, quod Antichristus in propria duratione erit, sic est vera.

238. Instabis: Impossibile est Antichristum coexistere Deo in nunc æternitatis, quocumque modo considerato, nisi existat saltem in ipsa æternitate; coexistentia enim importat mutuam extremonum existentiam, in ea saltem mensura, in qua coexistunt: Sed Antichristus non existit in æternitate: Ergo non coexistit Deo in nunc æternitatis. Minor probatur duplicer. Primò quia si Antichristus nunc existet in æternitate, verum est dicere de illo, quod existet ab æterno; existere enim in æternitate, idem est ac ab æterno existere: Sed Antichristus

A non existit ab æterno, ut est certum de fide: Ergo non existit in æternitate.

Secundo, Si Antichristus in æternitate existet, deberet esse in ea productus, cum existentia non possit illi communicari, nisi mediæ creatione vel productione: Sed hoc non potest dici, alias ille bis produceretur; in æternitate scilicet, tanquam in mensura superiori; & in tempore, tanquam in propria mensura, in qua ille aliquando debet existere: Ergo &c.

Respondeo concessa Majori, negando Minorem, ad cuius primam probationem, distinguo Majorem. Si existet in nunc æternitatis, adæquatè sumptu, & secundū totam extensionem virtualem quam continet, esset ab æterno, concedo. Si existet in nunc æternitatis, inadæquatè sumptu, & secundū aliquam tantum eius virtualitatem, nego.

Explicatur: Aliud est Antichristum esse ab æterno, & aliud illum existere in æternitate. Ut enim esset ab æterno, deberet ejus existentia ad totam æternitatem coextendi, eo ferè modo quo illi coextenderetur tempus infinitum si daretur, ac proinde deberet mensurari ab æternitate adæquatè sumpta, & secundū omnes sinus & partes virtuales quas continet. Ut autem dicatur nunc esse præsens & existens in æternitate, hoc non requiritur; sed fatus est, quod illa differentia temporis, in qua aliquando existet & erit præsens, nunc continetur ab ipsa æternitate; & quod illa, ratione sua infinitatis, ad eam virtualiter se extendat: quod est existere in æternitate inadæquatè, & secundū aliquam tantum eius virtualitatem.

Ad secundam probationem ejusdem Minoris, nego sequelam Majoris: Ut enim Antichristus dicatur præsens & existens in æternitate, non requiritur quod in ea producatur (sicut imaginantur Adversarij) sed sufficit quod ejus producō, que erit in tempore, sit præsens in æternitate. Ratione enim productionis temporalis & futuræ, dicitur Antichristus præsens & existens in mensura æternitatis, ob rationem fieri prius allegatam; quia cum æternitas sit mensura infinita & indivisibilis, continet non solum res præsentes, sed etiam præteritas, & futuras, in unico nunc indivisibili.

Secundò Adversarij sic arguunt. Implicat aliquid existere in mensura aliena & superiori, nisi prius existat in propria, sibique intrinsecā: At Antichristus v. g. non existat ab æterno in propria mensura: Ergo nec in æternitate, quae est aliena, illaque extrinsecā. Minor est certa de fide: Major autem, in qua est difficultas, probatur multipliciter. Primò, quia prius est aliquid existere in se, quam in alio sibi extrinsecō: Ergo implicat aliquid existere in mensura aliena & superiori, nisi prius existat in propria.

E Secundo probant eandem Majorem exemplo loci, nam locus est minus extrinsecus corpori locato, quam æternitas sit creatura in ea realiter existentia: At implicat quod corpus non existens in se intrinsecè, ambiatur à loco extrinsecō; repugnat enim v. g. quod aliquid corpus sit sub cœlo, tanquam sub primo locante, nisi existat in aliquo loco inferiori, sibi proprio & adæquato: Ergo idem quod prius.

Tertiò, Ab exemplo durationis motus primi mobilis, mensurantis extrinsecè hac inferiora. Implicat enim motum sublunarem realiter existere in duratione motus primi mobilis,

L 1 ij

Tom. I.

nisi prius existat in duratione sibi intrinseca atque propria: Ergo pariter repugnat aliquid existere in mensura aliena & superiori, nisi prius existat in propria, & sibi intrinseca.

Quarto, exemplo immensitatis: Repugnat enim corpus creatum divina immensitati coexistere, aut existere in illa, nisi prius existat in se, & in loco sibi peculiaris: Ergo & creaturam aliquam Deo in aeternitate coexistere, vel in illa existere, nisi prius existat in duratione sibi propria & intrinseca.

Denique sic probant eandem Majorem. Nullum prædicatum potest competere rebus in mensura superiori, quod illi repugnet in propria mensura, alias mensura superior mutaret naturas rerum: Ergo si existere ab aeterno, & Deo coexistere, repugnat rebus temporalibus, secundum propriam illarum durationem & mensuram, non poterit eis competere, ratione mensurae superioris & excedentis, scilicet aeternitatis.

**243.** Ad hoc argumentum respondeo, Majorem esse veram, quando mensura extrinseca & superior, limitata est & finita; si autem infinita sit, non est necessarium quod prius aliquid existat in duratione propria & intrinseca, prout est in seipso, bene tamen quod existat in illa, ut in superiori contenta. Hoc autem modo res omnes creatae, in propria duratione sunt ab aeterno, non in illa ut in se, sed ut contenta in aeternitate, tanquam in mensura superiori, per quod patet ad primam probationem Majoris.

**244.** Ad secundam dicendum est, locum communem & extrinsecum, non esse infinitum in ratione locandi, ac proinde non posse ambire & continere nisi corpora que in aliquo loco sibi proprio & adequato existunt: aeternitas autem, cum sit infinita in ratione durationis, potest per modum mensuræ, res creatas nondum in propriis mensuris existentes continere. Ex quo patet solutio ad tertiam, duratio namque motus primi mobilis, finita est & limitata.

**245.** Ad quartam, nego Consequeniam & paritatem: Ratio disparitatis est, quia immensitas solidum est extremum coexistentie creaturarum ad Deum, non autem ratio illas continent: neque enim creaturæ dicuntur existere in immensitate, sed potius Deus per immensitatem dicitur esse & contineri in creaturis. Aeternitas autem, non solidum est extremum cum creaturis Deo coexistingens, sed etiam mensura in qua continentur creaturæ, & in qua physice Deo coexistunt. Unde quæ nondum existunt in propria duratione quoad nos, coexistunt Deo in mensura superiori, scilicet aeternitate, in qua continentur.

**246.** Ad ultimam probationem dicendum est, Majorem esse veram, quantum ad prædicta essentia & absoluta, vel quæ non convenient ut rei ex modo effendi quem habet in mensura superiori: falsam autem, quantum ad prædicta accidentia, vel quæ convenient ut ex modo effendi quem habet in mensura superiori, quale est illud de quo est sermo. Et est exemplum principale ad hominem contra plerosque ex Adversariis, qui admittunt unum corpus posse esse simul & semel circumscriptivè in pluribus locis, & adidunt quod prædicta absoluta, & non dependet a loco, quæ competenter tali corpori in uno loco, convenient etiam illi in alio: scilicet autem prædicta dependentia a loco. Secundo id constat in corpore Christi, nam quia corpori Christi in cœlo, non competit modus effendi quem

**A** habet in Eucharistia; nec in Eucharistia, modus effendi quem habet in cœlo: etiam prædicta quæ competit illi, ex modo effendi quem habet in Eucharistia; ut esset indivisibile, invisibile, totum in toto, & totum in qualibet parte, non competit ei in cœlo; & è contra prædicta quæ illi convenient ut est in cœlo, sicut esse extensem, divisibile, circumscribi a loco &c. non competit ei in Eucharistia. Idem dicendum est in proposito, cum enim coexistere Deo ab aeterno, non convenient rebus temporibus, nisi ratione modi effendi quem habent in aeternitate, tanquam in mensura superiori; non debet verificari de illis, prout sunt in propria mensura & duratione.

### S. VII.

*Alia objectio Adversariorum diluitur.*

**T**ertiò objicunt Adversarij: Avum est mensura infinita à parte post, & indivisibilis; & tamen res temporales non coexistunt illi realiter, nisi quando sunt præsentes; alias Angelus posset cognoscere futura contingencia intuitivè, sicut Deus, cum cognitione angelica mensuratur aet. Ergo similiter, quamvis aeternitas sit mensura infinita & indivisibilis, non sequitur tamen, illam continere res temporales & successivas, quando sunt præterite, vel futurae; sed solum quando sunt actu præsentes, & existentes.

Confirmatur, Immensitas Dei aquæ est infinita & indivisibilis, ac ejus aeternitas; & tamen non attingit, nec continet, nisi loca præsenta, & actu existentia: unde Deus non dicitur esse per suam immensitatem in omnibus rebus ab aeterno, nec ratione illius continetur in spatiis imaginariis; quia talia spatia non sunt actu, sed tantum in potentia: Ergo similiter, quamvis aeternitas sit infinita simul & indivisibilis, non continet res temporales & successivas, nisi quando actu sunt; non vero quando erunt, aut fuerint.

Ad objectionem respondeo, concessum Antecedente, negando Consequeniam & paritatem, Ratio disparitatis est, quia licet avum sit mensura perfectior tempore; non tamen est mensura superior, cui per se tempus subordinetur. Sicut enim esse Angeli non est causa continens in se esse rerum creaturarum; ita nec duratio Angeli, est mensura in se continens simpliciter durationes inferiores. Secùs est de aeternitate, quæ non solum est mensura perfectior, sed etiam superior, in qua debent contineri inferiores, sicut esse earum continetur in efficiencia divina. Unde aeternitas ad alias durationes se habet ut locus communis ad particularia, quæ ambit & continet; ut pater de cœlo supremo, quod ambit & continet omnia corpora inferiora: avum autem se habet ad tempus, sicut locus particularis major ad minorem. Unde sicut videmus, quod loca particularia, quamvis majora, non debent necessariò continere minora; Africa enim v. g. quamvis sit major Galliæ, non tamen illam continet. Ita similiter, quamvis avum sit mensura excellentior tempore; quia tamen est mensura particularis, cui tempus efficienter non subordinatur, non continet res praeteritas aut futuras, sicut aeternitas.

Addo quod, quamvis illas contineret, non tamen propterea Angelus posset intuitivè cognoscere futura contingencia, sicut Deus: licet enim

## DE SCIENTIA FUTVRORVM CONTINGENTIVM. 269

cognitio quam Angelus habet de se, sit necessaria, & mensuretur ævo; cognitio tamen quam habet de rebus contingentibus, libera est, & non mensuratur ævo, sed tempore angelico, quod, ut docent Theologi in Tractatu de Angelis, est mensura actionum liberarum Angelii.

**249.** Ad confirmationem nego etiam Consequentiā, & paritatem, ob duplēm rationēm discriminiſ. Prima est, quia infinitū continere debet omnēm pérfectionēm possibilēm, pertinentēm ad propriam lineām, non verò illam qua pertinet ad alias lineas: unde cùm immensitas sit virtus repletiva loci, debet solum replere & continere omnem locum, & omnes differentias ejus, scilicet sursum, deorsum, propinquum, remotum, & similes, quae continentur intra lineām immensitatis. Cùm ergo futurū & præteritū, sint extra ejus lineam, illa, quāvis infinita, non debet continere loca præterita, aut futura; sed tantūm præsentia, & existentia. Aternitas autem, cùm sit duratio infinita, ratione sue infinitatis continere debet omnes differentias pertinentes ad lineām durationis: unde cùm intra tamē lineām sit non solum præsens, sed etiam præteritū, & futurū; debet complecti, & in sinu suo vastissimo continere, non solum tempus præsens, sed etiam præteritū, & futurū; nec expectare debet, ut res acta sint & existant, ad hoc ut illas continet, & mensuret: illa enim, ut dicit Bernardus, suprà relatus, *Futura non expectat, præterita non recognoscit, præsentia non experitur.*

Secunda ratio disparitatis est, quia per immensitatem loca non sunt in Deo, sed Deus in locis: è contra verò per aternitatem, Deus non est in rebus temporalibus; sed potius res omnes temporales, & successivæ sunt in illo: unde cùm res contenta debeat esse in continente, per modum illius, Deus ratione sue immensitatis, non continetur nisi in locis præsentibus, & existentibus: è contra verò ratione sue aternitatis, in se continet omnia tempora, non solum præsentia, sed etiam præterita, & futura; & omnia quae in illis sunt, vel erunt, aut fuerunt.

### §. VIII.

*Solvuntur argumenta ex absurdis & inconvenientibus.*

**250.** **A** Liud Adversariorum argumentum sumitur ex tribus absurdis & inconvenientibus, quae ex nostra sententia sequi contendunt. In primis dicunt ex illa sequi Antichristum simul esse, & non esse in aternitate: Sed hoc implicat contradictionem: Ergo &c. Probatur sequela: Antichristus, secundūm nostra principia, existit realiter in aternitate; quatenus illa, ratione sue infinitatis, & indivisibilitatis, ambit & continet in unico nunc indivisibili, differentiam illam temporis futuri, in qua Antichristus aliquando existet: Sed ex hoc etiam sequitur, quod idem Antichristus non sit in aternitate; cùm similiter aternitas, ratione ejusdem infinitatis, contineat differentiam temporis præsentis, in quo Antichristus nondum est. Ergo juxta nostra principia, Antichristus simul est, & non est in aternitate.

**251.** Secundō sequitur, Adamum & Antichristum, creationem mundi & ultimum judicium, inter se mutuo coexistere. Sicut enim quae sunt eadem uni tertio, sunt eadem inter se; ita & quae sunt

A præsentia, & coexistentia uni tertio, debent esse præsentia & coexistentia inter se: At in nostra sententia, Adam, & Antichristus, creatio mundi, & ultimum judicium, sunt præsentia & coexistentia uni tertio, scilicet aternitati: Ergo & inter se.

Tertio ex nostra sententia sequitur dari multitudinem infinitam, præsentem in aternitate: omnes enim cogitationes, & actus amoris, quos Angeli & Beati eliciti sunt per totam aternitatem, sunt infiniti, ut constat: Ergo si omnes illæ cogitationes, & actus amoris, sint acti præsentes, & existentes in aternitate, sequitur dari in illa multitudinem infinitam.

**B** Respondeo negando sequi tria illa absurdā, & inconvenientia ex nostra sententia. Ad primum, in primis dici potest, propositiones illas, Antichristus est, & non est in aternitate, non esse propriæ & formaliter contradictorias: quia contradictione, ut docent Philosophi, est affirmatio & negatio ejusdem de eodem, secundūm idem formaliter: ille verò propositiones non verificantur de aternitate, secundūm idem formaliter, sed solum ratione diversarum partium virtualium, quas continet, & per habitudinem, ac corresponduntiam ad diversas partes nostri temporis. Hæc enim propositio, *Antichristus est in aternitate*, verificantur de aternitate, secundūm quod concipiatur habere unam partem virtualem, correspondentem illi differentia temporis futuri, in qua Antichristus aliquando existet. Ista verò, *Antichristus non est in aternitate*, verificantur similiter de illa, quatenus continet aliam partem virtualem, correspondentem tempori præsenti, in quo Antichristus nondum est. Sicut ergo in durationibus creatis possunt plura prædicta contradictoria, uni & eidem competere, ratione diversarum partium temporis: nam de Petro v. g. verificari potest, quod sit sedens, & non sedens, doctus, & indoctus, secundūm diversa tempora; ita etiam ratione diversatum partium virtualium aternitatis, possunt plura prædicta contradictoria, de uno & eodem verificari: quod enim præstat realis distinctione in tempore, facit virtualis in aternitate: ut constat etiam in divinis attributis, de quibus, ratione ejusdem virtualis distinctionis, verificari possunt prædicta contradictiones: Deus enim, in quantum justus, punit, in quantum misericors, parcit. Pater communicat Filio essentiam, non tamen paternitatem, quæ incommunicabilis est: quamvis in Deo iustitia & misericordia, & in Patre essentia & paternitas, realiter identificentur, & virtualiter tantum distinguantur.

Secundō responderi potest, quod si illæ propositiones sumuntur ut propriæ, & formaliter contradictiones, negativa est absolute falsa, quia negotio (ut dicunt Dialectici) est malignantis naturæ, & destruit totum quod invenit post se. Unde hac propositio, *Antichristus non est in aternitate*, significat quod Antichristus nullo modo est præsens & existens in illa, quod falsum esse constat ex dictis: in ea enim est præsens, & existens, secundūm quod se extendit ad differentiam illam temporis futuri, in qua Antichristus aliquando existet.

Ad secundum inconveniens, negandum est Antecedens, quod scilicet Adam & Antichristus, mutuo inter se coexistere. Ad probationem in contrarium, dicendum est, quod sicut ea quae sunt eadem uni tertio adæquatè, sunt eadem inter se,

L 1 iij

*Tom. I.*

non tamen illa quæ sunt eadem uni tertio inadæquatè; ut constat in personis divinis, quæ licet sint inadæquatè idem in essentia divina, non tamen sunt idem inter se ita etiam illa quæ coexistunt & sunt præsentia uni tertio adæquatè & totaliter, coexistunt etiam inter se; non tamen illa quæ coexistunt uni tertio inadæquatè solum, & non totaliter: Adam autem, & Antichristus, ac res omnes temporales, & successiva, non coexistunt, nec sunt præsentes aternitati totaliter & adæquatè, & secundum totam extensionem virtualē quam includit; sed inadæquatè solum, & secundum aliquam tantum ejus virtualitatem. Quod ut magis percipiat.

256.

Observandum est, quod sicut immensitati divinæ, aliquid realiter præsens & immediatum, duobus modis dici potest: Primo toti adæquatè & totaliter, ita ut sit ubicumque est Deus, & cui Deus est præsens, illi omni sit etiam præsens; quomodo solum tres Personæ Divinæ Trinitatis sunt fibi invicem præsentes. Secundo toti quidem, sed non totaliter: Toti inquam (quia cum Dei immensitas sit indivisibilis, nullaque partes habeat, quod ei præsens, & immediatum est, non nisi toti præsens esse potest) sed non totaliter, eo quod Deus alijs rebus præsens & immediatus sit, quibus hæc præsens non est; quomodo quilibet creatura toti immensitati Dei præsens est. Ita similiter toti aternitati dupliciter aliquid potest coexistere, & esse præsens. Primo adæquatè & totaliter, & secundum omnes partes virtuale, quas in sinu suo vastissimo & infinito continet; & hoc modo nulla creatura coexistit aternitati: secundo toti quidem aternitati (cum illa indivisibilis sit, nullaque partes priores aut posteriores in se continent, saltem formaliter) sed non totaliter & adæquatè, quia aternitas alijs rebus prioribus & posterioribus, præsens est & coexistens, quibus res illa non coexistit. Atque hoc tantum modo, Adam & Antichristus realiter sunt præsentes aternitati, & illi coexistentes: quia non coexistunt illi, quatenus æquivaler omnibus differentiis temporis, & quatenus in se continent omnes illos sinus, & partes virtuale, de quibus antea diximus; sed solum illi coexistunt, inquantum ea continent unam partem virtuale, correspondente illi differentiæ temporis præteriti, in qua Adamus exitit, & alteram correspondentem tempori futuro, in quo Antichristus existeret: unde licet Adamus & Antichristus, coexistent toti aternitati, non tamen illi coexistunt totaliter, & adæquatè. Sicut licet Pater & Filius communicaent totam essentiam Spiritui Sancto, non tamen totaliter, & omnibus modis, quibus communicabilis est; non enim communicant eam per generationem, quomodo communicabilis est, & de facto communicatur Filio ab aeterno.

257.

Ad ultimum responderetur nullum esse inconveniens admittere infinitam multitudinem cogitationum, simul præsentem & existentem in mensura aternitatis: quia sicut illæ cogitationes, & actus amoris, per hoc quod sint præsentes & existentes in aternitate, non dicuntur esse simpliciter & absolutè, sed secundum quid, & cum addito, scilicet in aternitate: ita etiam non dicuntur infinita actus & simpliciter, sed tantum secundum quid, & in potentia. Cujus ratio est, quia illa simultanea & præsentia quam habent in mensura aternitatis, non impedit quin habeant in propriis durationibus successionem, & nusquam possint reperiri simul: non enim alia ratio-

A ne dicuntur esse actu simul in aternitate, nisi quia aternitas, ratione sua infinitatis & indivisibilitatis, sese virtualiter coextendit ad totam eorum successivam latitudinem. Cum ergo aternitas non tollat successionem hujusmodi cogitationum, non obstat etiam quominus illæ sint in potentia solum & sincategorematicè infinitæ.

§. IX.

*Solvitur aliud argumentum ex alio absurdō petitur.*

**O**bijecies ultimò: Si futura contingentia essent realiter & physicè aternitati præsentia, & ut talia à Deo cognoscerentur, nihil à divino intellectu cognosceretur ut futurum, nec unum tanquam prius aliò; nam in aternitate nihil est futurum, nec unum aliò prius: Sed hoc videtur absurdum: Ergo & illud.

Confirmatur: Si duo corpora cognoscantur ut perfectè penetrata inter se, unum non cognoscetur prius aliò: Sed omnia quæ sunt divina aternitati præsentia, perfectè penetrantur, cum nihil aternitatis sit cui non sint præsentia: Ergo eorum quæ sunt aternitati præsentia, unum aliò prius cognosci nequit.

C Ad objectionem respondeo distinguendo sequelam Majoris: Nihil à divino intellectu cognosceretur ut futurum, respectu aternitatis, concedo sequelam. Respectu propriæ durationis, nego sequelam; & idem dicendum est de prioritate unius ad aliud.

D Ad confirmationem dico disparitatem esse inter res successivas & temporales, ut præsentes aternitati, & duo corpora se invicem penetrantur; nam duo corpora inter se perfectè penetrata, occupant eundem locum, tam formaliter, quam virtualiter, subindeque nullæ prioritatem gaudere possunt, nec diversitate locali: aternitas autem, cum sit multiplex virtualiter (ut pote eminenter continens plures durationes creatas) est illis coexistens, secundum diversas virtualitates: unde illa quæ aternitatem secundum esse formale penetrant, non penetrant illam, secundum omnem ejus virtualitatem; ideoque possunt diversi durationibus ab aternitate contentis mensurari, & respectivè ad illas, præsentia, præterita, & futura; vel priora, & posteriora dici.

#### ARTICVLVS VIII.

*An præsentia realis & physica futurorum contingentium in aternitate, conducat ad perfectionem scientiae quam Deus habet de illis; & requiratur ad hoc ut illa sit invariabilis, & intuitiva?*

**I**n hoc articulo exponemus quartum & præcipuum fundamentum, quod Thomista ducuntur, ad realem & physicam futurorum contingentium in aternitate præsentiam, contra Recentiores propugnandam; illud enim petitur ex invariabilitate & intuitione divinae scientie, quæ sublatâ tali præsentia stare nequeunt, ut sequentibus conclusionibus ostendemus.